



Broj:07-07-792-04/05
Mostar, 21.11.2005. godine

Na osnovu člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine FBiH“ br. 13/04), člana 31, člana 37. stav (5) i člana 53. stav (2) Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ br. 59/04), te člana 36. stav (6), člana 44. stav (2), člana 46. stav (3), člana 47, člana 48. stav (1) i člana 49. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br. 37/05) i Odluke FERK-a o provođenju prvog tarifnog postupka br. 07-07-745-07/05 od 08.11.2005. godine, rješavajući po zahtjevu za sticanje statusa umješača br. 07-02-600-08/12/05 od 18.11.2005. godine, br. 07-02-647-11/18/05 od 18.11.2005. godine i br. 07-02-769-01/23/05 od 18.11.2005. godine, podnosica „Udruženje za zaštitu interesa potrošača“ Sarajevo, Regulatorna komisija za električnu energiju u FBiH – FERK je, na XVIII. redovnoj sjednici, održanoj u Mostaru dana 21.11.2005. godine, donijela slijedeći

ZAKLJUČAK

- I. Odobrava se zahtjev „Udruženje za zaštitu interesa potrošača“ Sarajevo u dijelu koji se odnosi na zahtjev za sticanje statusa umješača u prvom tarifnom postupku u formalnoj raspravi po zahtjevu za odobrenje tarifa za djelatnost proizvodnje br. 07-02-647/18/05 od 01.10.2005. godine i u formalnoj raspravi po zahtjevima za odobrenje tarifa za djelatnosti distribucije br. 07-02-647/19/05 od 01.10.2005. godine i snabdijevanja br. 07-02-647/20/05 od 01.10.2005. godine, a za koje je na osnovu Zaključka FERK-a br. 05-07-745-05/05 od 08.11.2005. godine određeno da će se po navedenim zahtjevima dalje voditi jedinstveni postupak i provesti jedna formalna rasprava pod novim brojem protokola 07-02-769/23/05, podnesenim od strane J.P. „Elektroprivreda Bosne i Hercegovine“ d.d. Sarajevo.
- II. Odbija se zahtjev „Udruženje za zaštitu interesa potrošača“ Sarajevo u dijelu koji se odnosi na zahtjev za sticanje statusa umješača u prvom tarifnom postupku u formalnoj raspravi po zahtjevu za odobrenje kratkoročnih marginalnih troškova energije br. 07-02-600/12/05 podnesenim od strane J.P. „Elektroprivreda Bosne i Hercegovine“ d.d. Sarajevo.



- III. Umješač se uključuje u postupak formalne rasprave iz tačke I. ovog zaključka na dan stupanja na snagu ovog zaključka i u onom stanju u kojem ga zatiče prilikom stupanja u postupak.
- IV. Umješaču iz tačke I. ovog zaključka dozvoljeno je učestvovanje u formalnim raspravama, iznositi dokaze, primjedbe i argumente i pridržavati se postavljenih rokova. Voditelj postupka može ograničiti učestvovanje umješača, u slučajevima kada je to za dobrobit efikasnog vođenja rasprave. Umješač ima i druga prava i obaveze u skladu sa odredbama Poslovnika o radu FERK-a i Pravilnika o javnim raspravama i rješavanju zahtjeva i žalbi FERK-a.
- V. Ovaj zaključak stupa na snagu danom donošenja i objavljuje se na oglasnoj tabli i web stranici FERK-a.

O b r a z l o ž e n j e

Član 53. stav (2) Poslovnika o radu FERK-a propisuju da FERK može dodijeliti status umješača licu koje dokaže direktan interes za tarifni postupak, koji je različit općem javnom interesu, te da je umješaču omogućeno da učestvuje u postupku, svjedoči i zahtjeva informacije putem člana FERK-a ili voditelja postupka formalne rasprave. Članom 36. stav (6) Pravilnika o javnim raspravama i rješavanju zahtjeva i žalbi FERK-a umješaču je dozvoljeno da svoje podneske stranama dostavlja preko voditelja postupka. Članom 44. stav (2) istog Pravilnika određeno je da će FERK izmijeniti postupak formalne rasprave ukoliko je to potrebno kako bi se za dva postojeća elektroprivredna preduzeća ubrzao postupak po njihovom prvom zahtjevu za odobrenje tarifa u skladu sa FERK-ovim Pravilnikom za tarifnu metodologiju i tarifne postupke („Službene novine FBiH“ br.45/05). U skladu sa članom 46. stav (3) Pravilnika o javnim raspravama i rješavanju zahtjeva i žalbi FERK-a, kriterije za utvrđivanje prava i statusa umješača FERK određuje za svaki konkretan slučaj posebno, zavisno o okolnostima slučaja. Članom 47. istog Pravilnika propisan je način podnošenja zahtjeva za sticanje statusa umješača po isteku roka, kao i da ukoliko FERK odobri zahtjev za sticanje statusa umješača nakon isteka roka to neće odložiti ili usporiti raspored aktivnosti tokom postupka. Članom 48. stav (1) ovog Pravilnika je određeno da FERK o zahtjevu za priznanje statusa umješača odlučuje u roku od 15 dana od dana prijema zahtjeva u FERK, dok je članom 49. propisan način na koji je umješač ovlašten učestvovati u raspravi.

Odlukom FERK-a o provođenju prvog tarifnog postupka br. 07-07-745-07/05 od 08.11.2005. godine određeno je da status umješača u formalnoj raspravi može steći pravno ili fizičko lice pod uslovom da blagovremeno podnese zahtjev za sticanje statusa umješača, i da ispunjava kriterije: da ima direktan interes u postupku, koji je različit od općeg javnog interesa i da raspolaže podacima i činjenicama od značaja za



formalnu raspravu u prvom tarifnom postupku koji se vodi pred FERK-om. FERK je putem Obavještenja za javnost o podnesenim zahtjevima za odobrenje tarifa od strane J.P. »Elektroprivreda Bosne i Hercegovine« d.d Sarajevo i održavanju formalnih rasprava, objavljenog u Dnevnom listu i Dnevnom avazu dana 09.11.2005. godine, odredio da zainteresovana lica svoje zahtjeve za sticanje statusa umješača mogu FERK-u podnijeti do 14.11. 2005. godine do 12.00. sati.

Dana 18.11.2005. godine, „Udruženje za zaštitu interesa potrošača“ Sarajevo podnijelo je zahtjev za sticanje statusa umješača u formalnim raspravama u prvom tarifnom postupku koji je u FERK-u zaprimljen pod brojem 07-02-600-08/12/05, brojem 07-02-647-11/18/05 i brojem 07-02-769-01/23/05, kojim je podnosilac zatražio sticanje statusa umješača u prvom tarifnom postupku, u formalnoj raspravi po zahtjevu za odobrenje tarifa za djelatnost proizvodnje i u formalnoj raspravi po zahtjevu za odobrenje tarifa za djelatnost distribucije i snabdijevanja podnesenim od strane J.P. „Elektroprivreda Bosne i Hercegovine“ d.d. Sarajevo.

Rješavajući po zahtjevu „Udruženja za zaštitu interesa potrošača“ Sarajevo u dijelu koji se odnosi na zahtjev za sticanje statusa umješača u formalnoj raspravi po zahtjevu za odobrenje tarifa za djelatnost proizvodnje i u formalnoj raspravi po zahtjevu za odobrenje tarifa za djelatnost distribucije i snabdijevanja podnesenim od strane J.P. „Elektroprivreda Bosne i Hercegovine“ d.d. Sarajevo, FERK je uzeo u obzir ciljeve koje pred njega postavlja Zakon o električnoj energiji („Službene novine FBiH“ br. 41/02, 24/05 i 38/05) vezane za pouzdanije snabdijevanje kupaca kvalitetnom električnom energijom, zaštitu interesa korisnika sistema, kao i uvođenje konkurencije, transparentnosti i sprečavanje neželjenih efekata monopola, te obaveze FERK-a da reguliše kvalitet usluga na svim nivoima, kao i tarife i naknade koje se plaćaju za monopolske usluge u distribuciji, imajući u vidu interese i potrebe svih korisnika za snabdijevanje električnom energijom. FERK ocjenjuje da podnosilac zahtjeva „Udruženje za zaštitu interesa potrošača“ Sarajevo ima direktni interes za sticanje statusa umješača za djelatnosti proizvodnje, distribucije i snabdijevanja.

Rješavajući po zahtjevu „Udruženja za zaštitu interesa potrošača“ Sarajevo u dijelu koji se odnosi na zahtjev za sticanje statusa umješača u formalnoj raspravi po zahtjevu za odobrenje kratkorčnih marginalnih troškova energije FERK je ocjenio da podnositelj zahtjeva nema jedinstven interes koji bi mu sigurno da kao umješač može predstavljati i kupce kojiima je snabdjevač J.P. „Elektroprivreda Bosne i Hercegovine“ d.d. Sarajevo i kupce kojima je snabdjevač J.P. „Elektroprivreda Herceg-Bosne“ d.d. Mostar, stoga je FERK odlučio da mu se ne može odobriti odobriti status umješač u navedenom dijelu zahtjeva.

Obzirom da je postupak formalne rasprave po podnesenom zahtjevu za odobrenje tarifa za djelatnost proizvodnje, kao i postupak formalne rasprave po zahtjevima za odobrenje tarifa za djelatnosti distribucije i snabdijevanja električnom energijom u toku, FERK cijeni da naknadno učešće umješača u postupku može samo doprinjeti kvalitetu provođenja prvog početnog tarifnog postupka, koji se provodi u prelaznom periodu u smislu odredbi Pravilnika za tarifnu metodologiju i tarife



postupke FERK-a i da neće imati negativan uticaj na podnosioca zahtjeva J.P. „Elektroprivreda Bosne i Hercegovine“ d.d. Sarajevo, niti će uticati na odugovlačenje postupka, a uzimajući u obzir da je status umješāča odobren van vremenskog roka za podnošenje istog.

Na osnovu prednjeg odlučeno je kao u dispozitivu ovog zaključka.

Predsjednik FERK-a
Risto Mandrapa dipl.ing.maš.